

মাননীয় প্রধানমন্ত্রীর প্রতিশ্রুতি ও নির্দেশনা বাস্তবায়ন অগ্রগতি পর্যালোচনা সভার ফেব্রুয়ারি, ২০২৪ এর সভার কার্যবিবরণী

| | |
|------------|---|
| সভাপতি | মোঃ আবদুল্লাহ আল মাসুদ চৌধুরী সচিব, সুরক্ষা সেবা বিভাগ, স্বরাষ্ট্র মন্ত্রণালয় |
| সভার তারিখ | ২৫ ফেব্রুয়ারি ২০২৪ |
| সভার সময় | দুপুর ১২.০০টা |
| স্থান | স্বরাষ্ট্র মন্ত্রণালয়ের সম্মেলন কক্ষ |
| উপস্থিতি | পরিশিষ্ট-'ক' |

সভাপতি উপস্থিত সকলকে স্বাগত জানিয়ে সভার কার্যক্রম শুরু করেন। তিনি আলোচ্যসূচি অনুযায়ী বিষয়বস্তু উপস্থাপনের জন্য উপসচিব (প্রশাসন-৩) শাখাকে অনুরোধ জানান। সভাপতির অনুমতিক্রমে উপসচিব (প্রশাসন-৩) আলোচ্যসূচি মোতাবেক নিম্নরূপে বিষয়বস্তুসমূহ উপস্থাপন করেন। বিস্তারিত আলোচনাপূর্বক নিম্নরূপ সিদ্ধান্তসমূহ গৃহীত হয় :

১) জানুয়ারি, ২০২৪ সভার কার্যবিবরণী পাঠ ও অনুমোদন :

| আলোচনা | সিদ্ধান্ত | বাস্তবায়নে |
|---|---|----------------|
| সভাকে জানানো হয়, জানুয়ারি, ২০২৪ এর কার্যবিবরণী সংশ্লিষ্ট সকল কর্মকর্তার নিকট প্রেরণ করা হয়। লিখিত কিংবা মৌখিকভাবে কোনো প্রকার সংশোধনী পাওয়া যায়নি। সুতরাং কার্যবিবরণীটি দৃষ্টিকরণ করা যেতে পারে। | সভার কার্যবিবরণী দৃষ্টিকরণ করা হলো। | --- |
| সভায় আরো জানানো হয়, মাননীয় প্রধানমন্ত্রীর প্রতিশ্রুতি ও নির্দেশনা বাস্তবায়ন পর্যবেক্ষণ সিস্টেমে নির্দেশনা এবং প্রতিশ্রুতির হালনাগাদ বাস্তবায়ন অগ্রগতি প্রতি মাসে আপলোড করা হচ্ছে। | প্রতি মাসের দ্বিতীয় সপ্তাহের মধ্যে মাননীয় প্রধানমন্ত্রীর প্রতিশ্রুতি ও নির্দেশনাসমূহের বাস্তবায়ন পর্যবেক্ষণ সিস্টেমে হালনাগাদ অগ্রগতি আপলোড অব্যাহত রাখতে হবে। | প্রশাসন-৩ শাখা |

২। মাদকদ্রব্য নিয়ন্ত্রণ অধিদপ্তর সংশ্লিষ্ট নির্দেশনাসমূহ : মহাপরিচালক, মাদকদ্রব্য নিয়ন্ত্রণ অধিদপ্তর সভায় জানান, মাদকদ্রব্য নিয়ন্ত্রণ অধিদপ্তর সংশ্লিষ্ট ৯টি নির্দেশনা রয়েছে। এর মধ্যে ৬টি সম্পূর্ণরূপে বাস্তবায়িত (বাস্তবায়নের হার ৬৬.৬৭%)। তিনি অবশিষ্ট ৩টি সিদ্ধান্তের বাস্তবায়ন অগ্রগতি নিম্নরূপে উল্লেখ করেন :

| ক্রম | মাননীয় প্রধানমন্ত্রীর নির্দেশনা/প্রতিশ্রুতি | আলোচনা | সিদ্ধান্ত |
|------|--|--------|-----------|
|------|--|--------|-----------|

| | | | |
|-------------------------|---|--|--|
| <p>নির্দেশনা -১</p> | <p>(ক) আন্তঃসংস্থার সমন্বয়ে মাদক পাচারকারী, ব্যবসায়ী, সেবনকারী, মজুতকারীর বিরুদ্ধে মাদকবিরোধী অভিযান অব্যাহত রাখতে হবে।</p> | <p>(১) জানুয়ারি, ২০২৪-এ ৮ হাজার ৫০৩টি অভিযান পরিচালনা করে ২ হাজার ৩৩৫ জন আসামির বিরুদ্ধে ২ হাজার ২০১টি মামলা দায়ের করা হয়। এছাড়া আন্তঃসংস্থার সমন্বয়ে জানুয়ারি, ২০২৪ মাসে ২৭৭টি যৌথ অভিযান পরিচালনা করে ২৭ জন আসামির বিরুদ্ধে ২৩টি মামলা দায়ের করা হয়েছে।</p> | <p>(১) মাননীয় প্রধানমন্ত্রীর নির্দেশনা অনুযায়ী আন্তঃসংস্থার সমন্বয়ে অভিযান পরিচালনা অব্যাহত রাখতে হবে এবং অভিযান পরিচালনার বিস্তারিত তথ্যাদি প্রতি মাসের সমন্বয়সভায় উপস্থাপন করতে হবে।</p> <p>বাস্তবায়নে : মহাপরিচালক, মাদকদ্রব্য নিয়ন্ত্রণ অধিদপ্তর/অতিরিক্ত সচিব (মাদকদ্রব্য নিয়ন্ত্রণ অনুবিভাগ, সুরক্ষা সেবা বিভাগ)</p> |
| | <p>(খ) মাদকবিরোধী প্রচারণা ঘরে ঘরে ছড়িয়ে দিতে হবে এবং এ বিষয়ে সকল শ্রেণি-পেশার মানুষকে সম্পৃক্ত করে জনসচেতনতা বাড়াতে হবে।</p> | <p>(২) মাদকদ্রব্য নিয়ন্ত্রণ অধিদপ্তর কর্তৃক একটি “সমন্বিত এ্যাকশন প্লান” প্রস্তুত করা হয়েছে। জানুয়ারি, ২০২৪ মাসে সভা/সেমিনার-১০টি, আলোচনা সভা/শ্রেণি বক্তৃতা-১৮৯টি, ১৯২টি শিক্ষা প্রতিষ্ঠানে মাদকবিরোধী সচেতনতা সৃষ্টিতে প্রশিক্ষণ/মেন্টর তৈরি, ৬৪টি ধর্মীয় প্রতিষ্ঠান/সামাজিক সংগঠনের মাধ্যমে মাদকদ্রব্য বিরোধী আলোচনা সভার ও শর্ট ফিল্ম প্রদর্শন, ১৪টি কারাগারের কারাবন্দিদের নিয়ে আলোচনা সভা, ১৪টি সোশ্যাল মিডিয়ায় (ফেসবুক ও ইউটিউব) মাধ্যমে মাদকের কুফল সংবলিত তথ্যের ফিচার এবং টিভিসি প্রচার, অধিদপ্তরের কার্যক্রম সম্পর্কিত অনলাইনের মাধ্যমে মাসিক বুলেটিন প্রকাশ ও ৪টি প্রিন্ট মিডিয়ায় মাদকবিরোধী বিজ্ঞাপন প্রচার করা হয়েছে। সর্বস্তরের জনসাধারণকে মাদকের ক্ষতিকর প্রভাব সম্পর্কে সচেতন করার লক্ষ্যে ২৪ হাজার ৫৭টি ক্ষতিকর প্রভাব সম্পর্কিত লিফলেট, ৫৯৬টি মাদকবিরোধী স্টিকার, ১৬২টি মাদকবিরোধী ফেস্টুন, ৮ হাজার ৮৯২টি মাদকবিরোধী স্লোগান সংবলিত কলম, ৫ হাজার ৭৪৭টি মাদকবিরোধী স্লোগান সংবলিত খাতা, ৩ হাজার ২২০টি মাদকবিরোধী স্লোগান সংবলিত স্কেল, ৩ হাজার ৮৯৪টি মাদকবিরোধী স্লোগান সংবলিত জ্যামিতি বক্স, ৯০৪টি মাদকবিরোধী স্লোগান সংবলিত টি-শার্ট, ১১০টি মাদকবিরোধী স্লোগান সংবলিত টিস্যু বক্স, ৫৫৮টি মাদকবিরোধী সংবলিত ব্যাগ, ৯৪টি মাদকবিরোধী স্লোগান সংবলিত মগ, ১১২টি মাদকবিরোধী সংবলিত ছাতা ও ৯০টি মাদকবিরোধী সংবলিত ফোল্ডার, ৯০টি মাদকবিরোধী স্লোগান সংবলিত ক্যালেন্ডার, ১৫০টি মাদকবিরোধী স্লোগান সংবলিত ডায়েরি এবং ১ হাজার ৮৭টি মাদকবিরোধী স্লোগান সংবলিত এক্রিলিক-পিভিসি বোর্ড বিতরণ করা হয়েছে।</p> | <p>(২) মাদকবিরোধী প্রচার-প্রচারণা অব্যাহত রাখতে হবে এবং এ বিষয়ে সকল শ্রেণি-পেশার মানুষকে আরও বেশি সম্পৃক্ত করতে হবে।</p> <p>বাস্তবায়নে : মহাপরিচালক, মাদকদ্রব্য নিয়ন্ত্রণ অধিদপ্তর/অতিরিক্ত সচিব (মাদকদ্রব্য নিয়ন্ত্রণ অনুবিভাগ, সুরক্ষা সেবা বিভাগ)</p> |

| | | | |
|-------------------------|---|---|--|
| | <p>(গ) মাদকদ্রব্য নিয়ন্ত্রণ অধিদপ্তরের কর্মকর্তা-কর্মচারীদের সক্ষমতা বৃদ্ধির লক্ষ্যে “Modernization of DNC” প্রকল্প বাস্তবায়ন করতে হবে। (তারিখ : ২১.০১.২০১৯, স্বরাষ্ট্র মন্ত্রণালয়ের সম্মেলন কক্ষ)</p> | <p>(৩) মডার্নাইজেশন অব ডিএনসি প্রকল্পের পুনর্গঠিত ডিপিপি ২২/৮/২০২৩ তারিখে সুরক্ষা সেবা বিভাগে প্রেরণ করা হয়েছে। এ বিভাগে ডিপিপি'র উপর যাচাই বাছাই সভা ৭/১১/২০২৩ তারিখে অনুষ্ঠিত হয়েছে। প্রকল্পটি অধিকতর যাচাইয়ের নিমিত্ত ফিজিবিলাটি স্টাডির সাথে সম্পৃক্ত বাংলাদেশ প্রকৌশল বিশ্ববিদ্যালয়ের টিমের সাথে সুরক্ষা সেবা বিভাগের প্রতিনিধিসহ মাদকদ্রব্য নিয়ন্ত্রণ অধিদপ্তরের সমন্বয়ে ০১/০২/২০২৪ তারিখে একটি সভা অনুষ্ঠিত হয়েছে। সভার সিদ্ধান্ত মোতাবেক ডিপিপি পুনর্গঠন করা হচ্ছে।</p> | <p>(৩) মডার্নাইজেশন অব ডিএনসি প্রকল্পের ডিপিপি অনুমোদন প্রক্রিয়াকরণের পরবর্তী কার্যক্রম দ্রুত সম্পন্ন করতে হবে। বাস্তবায়নে : মহাপরিচালক, মাদকদ্রব্য নিয়ন্ত্রণ অধিদপ্তর/অতিরিক্ত সচিব (মাদকদ্রব্য নিয়ন্ত্রণ অনুবিভাগ, সুরক্ষা সেবা বিভাগ)</p> |
| <p>নির্দেশনা -২</p> | <p>মাদকাসক্তদের সুস্থ-স্বাভাবিক জীবনে ফিরিয়ে আনার লক্ষ্যে তেজগাঁওস্থ কেন্দ্রীয় মাদকাসক্তি নিরাময় কেন্দ্রকে ট্রেনিং সুবিধাসহ পূর্ণাঙ্গ নিরাময় ও পুনর্বাসন কেন্দ্রে রূপান্তর করা ও পর্যায়ক্রমে সরকারের নির্বাচনী ইশতেহারে ঘোষিত সকল জেলায় মাদকাসক্তি নিরাময় ও পুনর্বাসন কেন্দ্র স্থাপন ও বেসরকারি নিরাময় কেন্দ্রসমূহকে কঠোর নজরদারির মধ্যে আনতে হবে। (২০.০১.২০১৯, সম্মেলন কক্ষ, স্বরাষ্ট্র মন্ত্রণালয়)</p> | <p>১(ক) "কেন্দ্রীয় মাদকাসক্তি নিরাময় কেন্দ্র সম্প্রসারণ ও আধুনিকীকরণ" প্রকল্পের নকশায় ২টি পুরাতন ভবন রয়েছে যা ভেঙ্গে অপসারণ করা হয়েছে। প্রকল্পের প্রধান পূর্তকাজের ড্রাগ ডি-অ্যাডিকশন ও প্রশিক্ষণ ইনস্টিটিউট) ২৫ অক্টোবর ২০২৩ তারিখে কার্যাদেশ প্রদান করা হয়েছে এবং ০৪/০২/২০২৪ তারিখ হতে ভবনের নির্মাণ কার্যক্রম শুরু হয়েছে। মাদকাসক্ত পুনর্বাসন কেন্দ্রের সংস্কার ও উর্ধ্বমুখী সম্প্রসারণ কাজের ইতোমধ্যে দরপত্র আহ্বান করা হয়েছে। ০৯/০১/২০২৪ তারিখে বর্ণিত প্রকল্পের প্রকল্প পরিচালক নিয়োগ প্রদান করা হয়েছে। ১(খ) মাদকদ্রব্য নিয়ন্ত্রণ অধিদপ্তরের কেন্দ্রীয় মাদকাসক্তি নিরাময় কেন্দ্র, তেজগাঁও, ঢাকায় ০১(এক) জন চীফ কনসালটেন্ট পদে গ্রেড-৩ সমমর্যাদার সহযোগী অধ্যাপক পর্যায়ের ০১ (এক) জন মনোরোগ বিশেষজ্ঞ প্রেষণে নিয়োগ/পদায়নের জন্য ০১/০২/২০২৪ তারিখে জনপ্রশাসন মন্ত্রণালয়ে পত্র প্রেরণ করা হয়েছে।</p> <p>২) ০৭ (সাত) টি বিভাগীয় শহরে ২০০ শয্যা বিশিষ্ট মাদকাসক্তি নিরাময় ও পুনর্বাসন কেন্দ্র নির্মাণ প্রকল্পের গত ০৮/০৭/২০২১ তারিখে প্রকল্পটির পিইসি সভা অনুষ্ঠিত হয়। চট্টগ্রাম ও রংপুর বিভাগের জমি চূড়ান্তকরণে জটিলতা থাকায় ০৫ টি বিভাগের জন্য ডিপিপি পুনর্গঠন করে সুরক্ষা সেবা বিভাগে ২১/০৯/২০২৩ তারিখে প্রেরণ করা হয়। পরবর্তীতে এ বিভাগের নির্দেশনা মোতাবেক চট্টগ্রাম ও রংপুরসহ ৭টি বিভাগের জন্য ডিপিপি পুনর্গঠনের নিমিত্ত গনপূর্ত অধিদপ্তরে পত্র প্রেরণ করা হয়েছে। রংপুর বিভাগের নিরাময় কেন্দ্রের জন্য জমি অধিগ্রহণের প্রশাসনিক অনুমোদন পাওয়া গিয়েছে এবং জমির ডিজিটাল সার্ভে সম্পন্ন হয়েছে। চট্টগ্রাম বিভাগীয় নিরাময় কেন্দ্রের জন্য চট্টগ্রাম জেলার সীতাকুণ্ডে একটি জমি প্রাথমিকভাবে নির্বাচন করা হয়েছে।</p> | <p>১(ক) কাজের যথাযথ গুণগত মান নিশ্চিত করে “কেন্দ্রীয় মাদকাসক্তি নিরাময় কেন্দ্র সম্প্রসারণ ও আধুনিকীকরণ” প্রকল্প নির্ধারিত সময়ে সম্পন্ন করতে হবে। বাস্তবায়নে: মহাপরিচালক, মাদকদ্রব্য নিয়ন্ত্রণ অধিদপ্তর/অতিরিক্ত সচিব (মাদকদ্রব্য নিয়ন্ত্রণ অনুবিভাগ, সুরক্ষা সেবা বিভাগ)</p> <p>(২) ৭টি বিভাগীয় শহরে ২০০ শয্যা বিশিষ্ট মাদকাসক্তি নিরাময় ও পুনর্বাসন কেন্দ্র নির্মাণ প্রকল্পের ডিপিপি পুনর্গঠনপূর্বক আগামী ১ (এক) মাসের মধ্যে সুরক্ষা সেবা বিভাগে প্রেরণ করতে হবে। বাস্তবায়নে : মহাপরিচালক, মাদকদ্রব্য নিয়ন্ত্রণ অধিদপ্তর/অতিরিক্ত সচিব (মাদকদ্রব্য নিয়ন্ত্রণ অনুবিভাগ, সুরক্ষা সেবা বিভাগ)</p> |

| | | | |
|--------------|---|--|--|
| | | (৩) প্রতিটি জেলা শহরে মাদকাসক্তি নিরাময় ও পুনর্বাসন কেন্দ্র স্থাপনের লক্ষ্যে প্রথমে পর্যায়ক্রমে ৮টি বিভাগের ৯টি জেলায় (গোপালগঞ্জ, কুমিল্লা, বগুড়া, নাটোর, মেহেরপুর, পটুয়াখালী, হবিগঞ্জ, নেত্রকোণা, দিনাজপুর) প্রতিটিতে ১০০টি বেড সংখ্যা এবং ৫ একর জমির পরিমাণ নির্ধারণ করে মাদকাসক্তি নিরাময় ও পুনর্বাসন কেন্দ্র স্থাপনের সিদ্ধান্ত গৃহীত হয়। উক্ত সিদ্ধান্ত মোতাবেক ৫ একর জমি নির্ধারণের জন্য সংশ্লিষ্ট জেলা প্রশাসক বরাবর পত্র প্রেরণ করা হয়েছে। | (৩) জেলা শহরে মাদকাসক্তি নিরাময় ও পুনর্বাসন কেন্দ্র স্থাপনের ডিপিপি প্রণয়নপূর্বক আগামী ১ (এক) মাসের মধ্যে সুরক্ষা সেবা বিভাগে প্রেরণ করতে হবে। বাস্তবায়নে : মহাপরিচালক, মাদকদ্রব্য নিয়ন্ত্রণ অধিদপ্তর/অতিরিক্ত সচিব (মাদকদ্রব্য নিয়ন্ত্রণ অনুবিভাগ, সুরক্ষা সেবা বিভাগ) |
| | | (৪) জানুয়ারি, ২০২৪ এ ৩৭৩টি বেসরকারি মাদকাসক্তি নিরাময় কেন্দ্রের মধ্যে ৭২টি কেন্দ্র পরিদর্শন করা হয়েছে। | (৪) বেসরকারি মাদকাসক্তি নিরাময় কেন্দ্র পরিদর্শন অব্যাহত রাখতে হবে এবং পরিদর্শন প্রতিবেদনের সুপারিশ অনুযায়ী প্রয়োজনীয় ব্যবস্থা গ্রহণ করতে হবে। বাস্তবায়নে : মহাপরিচালক, মাদকদ্রব্য নিয়ন্ত্রণ অধিদপ্তর/অতিরিক্ত সচিব (মাদকদ্রব্য নিয়ন্ত্রণ অনুবিভাগ, সুরক্ষা সেবা বিভাগ) |
| নির্দেশনা -৩ | মাদকদ্রব্য নিয়ন্ত্রণ অধিদপ্তরের কর্মকর্তা/কর্মচারীদের দক্ষতা ও কর্মসম্পাদনে সক্ষমতা বৃদ্ধিকল্পে আধুনিক প্রশিক্ষণ একাডেমি নির্মাণ করা হবে। (তারিখ-২০.০১.২০১৯, স্থান-সম্মেলন কক্ষ, স্বরাষ্ট্র মন্ত্রণালয়): | (১) 'প্রশিক্ষণ একাডেমি নির্মাণ' শীর্ষক প্রকল্পের নকশা ও লে-আউট প্লান স্থাপত্য অধিদপ্তর কর্তৃক প্রস্তুত করা হয়েছে এবং মহাপরিচালক, মাদকদ্রব্য নিয়ন্ত্রণ অধিদপ্তর কর্তৃক অনুমোদিত হয়েছে। বর্ণিত প্রকল্পের ফিজিবিলিটি স্টাডি করার নিমিত্ত সাসটেইনেবল রিসার্চ এন্ড কনসালটেন্সি লিমিটেড (এসআরসিএল) নামক একটি প্রতিষ্ঠান কর্তৃক খসড়া ফিজিবিলিটি স্টাডি রিপোর্ট পাওয়া গিয়েছে। | (১) ডিপিপি চূড়ান্ত করে আগামী ১৫ (পনেরো) দিনের মধ্যে সুরক্ষা সেবা বিভাগে প্রেরণ করতে হবে। বাস্তবায়নে : মহাপরিচালক, মাদকদ্রব্য নিয়ন্ত্রণ অধিদপ্তর/অতিরিক্ত সচিব (মাদকদ্রব্য নিয়ন্ত্রণ অনুবিভাগ, সুরক্ষা সেবা বিভাগ) |

৩। ফায়ার সার্ভিস ও সিভিল ডিফেন্স অধিদপ্তর : মহাপরিচালক, ফায়ার সার্ভিস ও সিভিল ডিফেন্স অধিদপ্তর জানান, ফায়ার সার্ভিস ও সিভিল ডিফেন্স অধিদপ্তর সংশ্লিষ্ট ১৬টি নির্দেশনা/প্রতিশ্রুতি আছে। তন্মধ্যে ৯টি নির্দেশনা/প্রতিশ্রুতি বাস্তবায়ন করা হয়েছে (বাস্তবায়নের হার ৫৬.২৫%)। তিনি অবশিষ্ট ৭টি সিদ্ধান্তের বাস্তবায়ন অগ্রগতি নিম্নরূপে উল্লেখ করেন:

| ক্রম | মাননীয় প্রধানমন্ত্রীর নির্দেশনা/প্রতিশ্রুতি | আলোচনা | সিদ্ধান্ত |
|-------------|---|--|---|
| নির্দেশনা-১ | ফায়ার সার্ভিস ও সিভিল ডিফেন্স অধিদপ্তরের অ্যাশুলেন্স সংখ্যা বৃদ্ধি করা হবে। (তারিখ-২০.০১.২০১৯; সম্মেলনকক্ষ, স্বরাষ্ট্র মন্ত্রণালয়) | (১) “ফায়ার সার্ভিস ও সিভিল ডিফেন্স অধিদপ্তর এর অ্যাশুলেন্স সেবা সম্প্রসারণ (ফেইজ-২)” শীর্ষক প্রকল্পটি ৩১/১০/২০২৩ তারিখে একনেক সভায় কতিপয় শর্ত প্রতিপালন সাপেক্ষে অনুমোদিত হয়েছে। চলতি অর্থবছরের বাজেট বরাদ্দ সংকোচনপূর্বক জিও জারির নিমিত্ত ০১/০১/২০২৪ তারিখে পুনর্গঠিত ডিপিপি পরিকল্পনা কমিশনে প্রেরণ করা হয়েছে। তৎপ্রেক্ষিতে ১৮/০২/২০২৪ তারিখে পরিকল্পনা কমিশন হতে জিও জারি করা হয়েছে। | ১) একনেক সভায় অনুমোদিত প্রকল্পটির বাস্তবায়ন অগ্রগতি প্রতি মাসে সভাকে অবহিত করতে হবে। বাস্তবায়নে : অগ্নি অনুবিভাগ প্রধান /মহাপরিচালক, ফায়ার সার্ভিস ও সিভিল ডিফেন্স অধিদপ্তর |
| নির্দেশনা-২ | গ্যাপ-এরিয়া এবং গ্রোথ সেন্টারসমূহে স্যাটেলাইট ফায়ার স্টেশন চালু করতে হবে। প্রকল্প প্রস্তাব প্রণয়নকালে লোকবলের সংস্থান রাখতে হবে। প্রকল্প বাস্তবায়নকালে লোকবল নিয়োগ ও প্রশিক্ষণ এমনভাবে প্রদান করতে হবে যাতে প্রকল্পের কাজ সমাপ্ত হওয়ার সাথে সাথেই সেটি চালু করা যায়। (তারিখ-২০.০১.২০১৯), স্থান-সম্মেলনকক্ষ, স্বরাষ্ট্র মন্ত্রণালয়) | (১) দেশের উত্তরাঞ্চলের (রাজশাহী, রংপুর, ময়মনসিংহ ও সিলেট বিভাগ) গুরুত্বপূর্ণ উপজেলা/থানা সদর/স্থানে ৫৭টি ফায়ার স্টেশন স্থাপন প্রকল্পের ফিজিবিলিটি স্টাডি প্রতিবেদনসহ ডিপিপি এ বিভাগে প্রেরণ করা হয়েছে। এ বিভাগ কর্তৃক ডিপিপি এর ওপর ০৭ ফেব্রুয়ারি ২০২৪ তারিখে যাচাই-বাছাই সভা অনুষ্ঠিত হয়েছে। | ১) দেশের উত্তর অঞ্চলের (রাজশাহী, রংপুর, ময়মনসিংহ ও সিলেট বিভাগ) গুরুত্বপূর্ণ উপজেলা/থানা সদর/স্থানে ৫৭টি ফায়ার স্টেশন স্থাপন প্রকল্পের ডিপিপি পুনঃগঠন কাজ দ্রুত সম্পন্ন করতে হবে। বাস্তবায়নে : সংশ্লিষ্ট অনুবিভাগ প্রধান /মহাপরিচালক, ফায়ার সার্ভিস ও সিভিল ডিফেন্স অধিদপ্তর |
| | | (২) দেশের দক্ষিণাঞ্চলের (চট্টগ্রাম, খুলনা ও বরিশাল বিভাগ) গুরুত্বপূর্ণ উপজেলা/থানাসদর/স্থানে ৫২টি ফায়ার স্টেশন স্থাপন প্রকল্পের ফিজিবিলিটি স্টাডি প্রতিবেদনসহ ডিপিপি প্রণয়ন করে ১৯/১০/২০২৩ তারিখে এ বিভাগে প্রেরণ করা হয়েছে। ২৮/১১/২০২৩ তারিখে প্রকল্পের যাচাই-বাছাই সভা অনুষ্ঠিত হয়েছে। সভার নির্দেশনা মোতাবেক ডিপিপি পুনঃগঠন কার্যক্রম চলমান। | ২) দেশের দক্ষিণাঞ্চলের (চট্টগ্রাম, খুলনা ও বরিশাল বিভাগ) গুরুত্বপূর্ণ উপজেলা/থানা সদর/স্থানে ৫২টি ফায়ার স্টেশন স্থাপন প্রকল্পের ডিপিপি পুনঃগঠনের কার্যক্রম দ্রুত সম্পন্ন করতে হবে। বাস্তবায়নে : সংশ্লিষ্ট অনুবিভাগ প্রধান /মহাপরিচালক, ফায়ার সার্ভিস ও সিভিল ডিফেন্স অধিদপ্তর |

| | | | |
|-------------|--|---|--|
| | | (৩) ঢাকা বিভাগের গুরুত্বপূর্ণ উপজেলা/থানা সদর/স্থানে ৪৭টি (৪৪টি নতুন ও ৩টি পুনর্নির্মাণ) ফায়ার স্টেশন স্থাপন প্রকল্পটির অনুমোদন গ্রহণের নিমিত্ত এ বিভাগ হতে ২৯/১০/২০২৩ তারিখে পরিকল্পনা কমিশনে প্রেরণ করা হয়েছে। ১৮/১২/২০২৩ তারিখে প্রকল্প মূল্যায়ন কমিটির (পিইসি) সভা অনুষ্ঠিত হয়েছে। সভার সিদ্ধান্ত মোতাবেক ডিপিপি পুনর্গঠনের কার্যক্রম চলমান রয়েছে। | ৩) ঢাকা বিভাগের গুরুত্বপূর্ণ উপজেলা/থানা সদর/স্থানে ৪৭টি ফায়ার স্টেশন স্থাপন প্রকল্পের ডিপিপি পুনর্গঠন দ্রুত সম্পন্ন করতে হবে। বাস্তবায়নে : সংশ্লিষ্ট অনুবিভাগ প্রধান /মহাপরিচালক, ফায়ার সার্ভিস ও সিভিল ডিফেন্স অধিদপ্তর |
| | | (৪) দেশের গুরুত্বপূর্ণ স্থানে ৫৯টি (৫১টি নতুন ও ৮টি পুনর্নির্মাণ) ফায়ার স্টেশন স্থাপন/পুনর্নির্মাণ প্রকল্পের মূল্যায়ন কমিটির (পিইসি)-এর সভা পরিকল্পনা কমিশনের ভৌত অবকাঠামো বিভাগে ৩/১০/২০২৩ তারিখে অনুষ্ঠিত হয়েছে। ডিপিপি পুনর্গঠনের কার্যক্রম চলমান। পিইসি সভার সিদ্ধান্ত অনুযায়ী ৫৯টি (৫১টি নতুন ও ৮টি পুনর্নির্মাণ) ফায়ার স্টেশনের স্থলে ৩৪টি (২৬টি নতুন ও ৮টি ফায়ার স্টেশন পুনর্নির্মাণ) ফায়ার স্টেশন স্থাপনের সংস্থান রেখে পূর্ণাঙ্গ ডিপিপি প্রণয়নের জন্য ২৯/০১/২০২৪ তারিখে গণপূর্ত অধিদপ্তরে প্রেরণ করা হয়েছে। | ৪) প্রস্তাবিত ৩৪টি ফায়ার স্টেশন স্থাপন/পুনর্নির্মাণ শীর্ষক প্রকল্পটির ডিপিপি প্রণয়নের নিমিত্ত গণপূর্ত অধিদপ্তরের সাথে যোগাযোগ অব্যাহত রাখতে হবে। বাস্তবায়নে : সংশ্লিষ্ট অনুবিভাগ প্রধান /মহাপরিচালক, ফায়ার সার্ভিস ও সিভিল ডিফেন্স অধিদপ্তর |
| নির্দেশনা-৩ | ফায়ার সার্ভিস ও সিভিল ডিফেন্স অধিদপ্তরের কর্মকর্তা/কর্মচারীদের দক্ষতা ও কর্মসম্পাদনে সক্ষমতা বৃদ্ধিকল্পে আধুনিক প্রশিক্ষণ একাডেমি নির্মাণ করা হবে। (তারিখ ২০.০১.২০১৯):স্থান-সম্মেলন কক্ষ, স্বরাষ্ট্র মন্ত্রণালয়) | (১) এ বিভাগ হতে ২৪/৬/২০২৩ তারিখে কিছু পর্যবেক্ষণসহ ডিপিপি পুনর্গঠন করে প্রেরণ করার জন্য ফায়ার সার্ভিস ও সিভিল ডিফেন্স অধিদপ্তরকে অনুরোধ করা হয়। প্রকল্পের ডিপিপি পুনর্গঠন করে মার্চ, ২০২৪ এর মধ্যে সুরক্ষা সেবা বিভাগে প্রেরণ করা হবে। | ১) পুনর্গঠিত ডিপিপি চূড়ান্ত করে দ্রুত সুরক্ষা সেবা বিভাগে প্রেরণ করতে হবে। বাস্তবায়নে : সংশ্লিষ্ট অনুবিভাগ প্রধান /মহাপরিচালক, ফায়ার সার্ভিস ও সিভিল ডিফেন্স অধিদপ্তর |
| নির্দেশনা-৪ | ফায়ার সার্ভিস ও সিভিল ডিফেন্স অধিদপ্তরের বিদ্যমান পদসমূহের নাম পরিবর্তন এবং জেলা পর্যায়ের ১০ম গ্রেডের পদসমূহ ৯ম গ্রেডে উন্নীত করার বিষয় পরীক্ষা নিরীক্ষা করতে হবে। (তারিখ ২০.০১.২০১৯): স্থান-সম্মেলন কক্ষ, স্বরাষ্ট্র মন্ত্রণালয়) | (১) সাংগঠনিক কাঠামো পুনর্গঠনের প্রস্তাব ২০/১১/২০২৩ তারিখে জনপ্রশাসন মন্ত্রণালয়ে প্রেরণ করা হয়েছে। তৎক্ষণিতে জনপ্রশাসন মন্ত্রণালয়ের যাচিত চাহিদানুযায়ী পদ সৃজন, পদ বিলুপ্তকরণ, পদনাম পরিবর্তন, বেতন গ্রেড উন্নীতকরণ ও যানবাহন টিওএন্ডইতে অন্তর্ভুক্তকরণ সংক্রান্ত প্রস্তাবনা জনপ্রশাসন মন্ত্রণালয়ের চেকলিস্ট মোতাবেক পৃথক পৃথক প্রস্তাব প্রেরণের জন্য এ বিভাগ হতে ১০/০১/২০২৪ তারিখে ফায়ার সার্ভিস ও সিভিল ডিফেন্স অধিদপ্তরে পত্র প্রেরণ করা হয়েছে। | ১) জনপ্রশাসন মন্ত্রণালয়ের চেকলিস্ট মোতাবেক সাংগঠনিক কাঠামোর পৃথক পৃথক প্রস্তাব দ্রুত প্রেরণ করতে হবে। বাস্তবায়নে : সংশ্লিষ্ট অনুবিভাগ প্রধান /মহাপরিচালক, ফায়ার সার্ভিস ও সিভিল ডিফেন্স অধিদপ্তর। |

| | | | |
|-----------------|---|---|--|
| নির্দেশনা- ৫ | (ক) ফায়ার সার্ভিস ও সিভিল ডিফেন্স অধিদপ্তরের স্পেশালাইজড ইউনিট গঠন করতে হবে; (খ) যানবাহনের গ্যাস সিলিন্ডার পরীক্ষাপূর্বক ফিটনেস সার্টিফিকেট প্রদানের বিষয়টি বিআরটিএ কর্তৃপক্ষ কর্তৃক প্রয়োজনীয় ব্যবস্থা গ্রহণ করা হবে। (তারিখ-২০.০১.২৯ স্থান-সম্মেলনকক্ষ, স্বরাষ্ট্র মন্ত্রণালয়): | (১) সুরক্ষা সেবা বিভাগের আওতায় “ফায়ার সার্ভিস ও সিভিল ডিফেন্স অধিদপ্তরাধীন ১৩টি কৌশলগত গুরুত্বপূর্ণ অবস্থানে ৭৩টি বিশেষায়িত অগ্নিনির্বাপন ও উদ্ধার ইউনিট মোতায়েন” নামে প্রকল্পের ফিজিবিলিটি স্টাডি প্রতিবেদনসহ ডিপিপি প্রণয়ন করে ৩১/১০/২০২৩ তারিখে এ বিভাগে প্রেরণ করা হয়েছে। কতিপয় পর্যবেক্ষণসহ ডিপিপি পুনঃগঠনের জন্য ১৩/০২/২০২৩ তারিখে এ বিভাগ হতে ফায়ার সার্ভিস ও সিভিল ডিফেন্স অধিদপ্তরে প্রেরণ করা হয়েছে। | ১) সুরক্ষা সেবা বিভাগের আওতায় “ফায়ার সার্ভিস ও সিভিল ডিফেন্স অধিদপ্তরাধীন ১৩টি কৌশলগত গুরুত্বপূর্ণ অবস্থানে ৭৩টি বিশেষায়িত অগ্নিনির্বাপন ও উদ্ধার ইউনিট মোতায়েন” নামে প্রকল্পের ডিপিপি দ্রুত প্রণয়ন করতে হবে। বাস্তবায়নে : সংশ্লিষ্ট অনুবিভাগ প্রধান /মহাপরিচালক, ফায়ার সার্ভিস ও সিভিল ডিফেন্স অধিদপ্তর |
| নির্দেশনা- ৬ | নানারকম দুর্ঘটনা, ভূমিকম্প এবং পরিবেশ বিপর্যয়ের মত প্রাকৃতিক দুর্যোগ মোকাবেলায় সক্ষমতা অর্জনে ফায়ার সার্ভিস ও সিভিল ডিফেন্সকে প্রয়োজনীয় পদক্ষেপ গ্রহণ করতে হবে। (তারিখ-১৩.০৩.২০১৪) স্থান: রমনা, ঢাকা। | (১) প্রস্তাবিত “মর্ডানাইজেশন এন্ড ক্যাপাসিটি বিল্ডিং অব ফায়ার সার্ভিস এন্ড সিভিল ডিফেন্স” শীর্ষক প্রকল্পের ডিপিপি ১১/৯/২০২৩ তারিখে সুরক্ষা সেবা বিভাগে প্রেরণ করা হয়েছে। তৎপক্ষে প্রকল্পের যাচাই-বাছাই সভা ২২/১০/২০২৩ তারিখে অনুষ্ঠিত হয়েছে। উক্ত সভার সিদ্ধান্ত মোতাবেক ডিপিপি পুনঃগঠন কার্যক্রম চলমান। | ১) ফায়ার সার্ভিস ও সিভিল ডিফেন্স অধিদপ্তরের সক্ষমতা বৃদ্ধি করে এমন প্রকল্পসমূহের ডিপিপি দ্রুত প্রণয়নপূর্বক এ বিভাগে প্রেরণ করতে হবে। বাস্তবায়নে : সংশ্লিষ্ট অনুবিভাগ প্রধান /মহাপরিচালক, ফায়ার সার্ভিস ও সিভিল ডিফেন্স অধিদপ্তর |
| নির্দেশনা- ৭ | বন্যা/দুর্যোগ মোকাবেলা এবং শিক্ষার কার্যক্রম অব্যাহত রাখার লক্ষ্যে পরীক্ষা-নিরীক্ষাক্রমে দুর্যোগ প্রবণ উপজেলায় স্থায়ী আশ্রয় কেন্দ্র-কাম-পরীক্ষা কেন্দ্র স্থাপন এবং একই প্রকৃতির এলাকার ফায়ার সার্ভিস ও সিভিল ডিফেন্সের অর্গানোগ্রামে একটি ডুবুরি দল অন্তর্ভুক্তকরণ। (তারিখ-০৭.০৫.২০১৫) স্থান : রমনা, ঢাকা: | ডুবুরি ইউনিট সম্প্রসারণ প্রকল্পের অধীনে ডুবুরি ও সহায়ক পদসহ ১৩৪টি পদ সৃজনের পৃথক প্রস্তাবের পরিপ্রেক্ষিতে জনপ্রশাসন মন্ত্রণালয় ৩/১০/২০২৩ তারিখে ৯২টি পদ রাজস্বখাতে অস্থায়ীভাবে সৃজনের সম্মতি জ্ঞাপন করে। এ বিভাগ হতে ১০/১/২০২৪ তারিখে উক্ত পদসমূহ সৃজনে সম্মতি প্রদানের জন্য অর্থ বিভাগে পত্র প্রেরণ করা হয়। | ১) ফায়ার সার্ভিস ও সিভিল ডিফেন্সের ডুবুরি ইউনিট অপ্রসারণে প্রয়োজনীয় সংখ্যক পদ সৃজনের বিষয়ে অর্থ বিভাগের সাথে যোগাযোগ অব্যাহত রাখতে হবে। বাস্তবায়নে : সংশ্লিষ্ট অনুবিভাগ প্রধান /মহাপরিচালক, ফায়ার সার্ভিস ও সিভিল ডিফেন্স অধিদপ্তর। |

| | | | |
|-------------------|---|---|---|
| প্রতিশ্রুতি- ১ | সিরাজগঞ্জ জেলার চৌহালী, তাড়াশ ও কামারখন্দ উপজেলায় অগ্নিনির্বাপন কেন্দ্র নির্মাণ করতে হবে। (তারিখ-০৯.০৪.২০১১) স্থান:সিরাজগঞ্জ সদর) | (১) চৌহালী উপজেলায় ফায়ার সার্ভিস ও সিভিল ডিফেন্স স্টেশন স্থাপনের নিমিত্ত প্রস্তাবিত ৫৯টি (৫১টি নতুন ও ৮টি পুনঃনির্মাণ) ফায়ার স্টেশন স্থাপন/পুনঃনির্মাণ প্রকল্পে অন্তর্ভুক্ত করা হয়েছে। উক্ত প্রকল্পের প্রকল্প মূল্যায়ন কমিটির (পিইসি) সভা পরিকল্পনা কমিশনের ভৌত অবকাঠামো বিভাগে ৩/১০/২০২৩ তারিখে অনুষ্ঠিত হয়েছে। পিইসি সভার সিদ্ধান্ত অনুযায়ী ৫৯টি ফায়ার স্টেশনের স্থলে ৩৪টি (২৬টি নতুন ও ৮টি ফায়ার স্টেশন পুনঃনির্মাণ) ফায়ার স্টেশন স্থাপনের সংস্থান রেখে পূর্ণাঙ্গ ডিপিপি প্রণয়নের জন্য ২৯/০১/২০২৪ তারিখে গণপূর্ত অধিদপ্তরে প্রেরণ করা হয়েছে। | ১) ৩৪টি ফায়ার স্টেশন স্থাপন প্রকল্পের ডিপিপি প্রণয়নের নিমিত্ত গণপূর্ত অধিদপ্তরের সাথে যোগাযোগ অব্যাহত রাখতে হবে। বাস্তবায়নে : সংশ্লিষ্ট অনুবিভাগ প্রধান/মহাপরিচালক, ফায়ার সার্ভিস ও সিভিল ডিফেন্স অধিদপ্তর |
| প্রতিশ্রুতি- ২ | কুড়িগ্রাম জেলার ভুরুজামারী, ফুলবাড়ী, রাজারহাট, রৌমারী ও রাজীবপুর উপজেলায় ফায়ার সার্ভিস স্টেশন স্থাপন করতে হবে। (তারিখ-০৬.০৩.২০১০; স্থান কুড়িগ্রাম) | ভুরুজামারী উপজেলায় ফায়ার সার্ভিস ও সিভিল ডিফেন্স স্টেশন স্থাপনের নিমিত্ত প্রস্তাবিত ৫৯টি ফায়ার স্টেশন স্থাপন প্রকল্পটি অনুমোদন গ্রহণের জন্য ১৪/৮/২০২৩ তারিখে পরিকল্পনা কমিশনে প্রেরণ করা হয়েছে। পরিকল্পনা কমিশনে ৩/১০/২০২৩ তারিখে প্রকল্পের প্রকল্প মূল্যায়ন কমিটি (পিইসি) 'র সভা অনুষ্ঠিত হয়েছে। পিইসি সভার সিদ্ধান্ত অনুযায়ী ৫৯টি ফায়ার স্টেশনের স্থলে ৩৪টি (২৬টি নতুন ও ৮টি ফায়ার স্টেশন পুনঃনির্মাণ) ফায়ার স্টেশন স্থাপনের সংস্থান রেখে পূর্ণাঙ্গ ডিপিপি প্রণয়নের জন্য ২৯/০১/২০২৪ তারিখে গণপূর্ত অধিদপ্তরে প্রেরণ করা হয়েছে। | ১) ৩৪টি ফায়ার স্টেশন স্থাপন প্রকল্পের ডিপিপি প্রণয়নের নিমিত্ত গণপূর্ত অধিদপ্তরের সাথে যোগাযোগ অব্যাহত রাখতে হবে। বাস্তবায়নে : সংশ্লিষ্ট অনুবিভাগ প্রধান/মহাপরিচালক, ফায়ার সার্ভিস ও সিভিল ডিফেন্স অধিদপ্তর |

৪। কারা অধিদপ্তর সংশ্লিষ্ট নির্দেশনা/প্রতিশ্রুতি : কারা অধিদপ্তরের মহাপরিদর্শক সভাকে জানান, মাননীয় প্রধানমন্ত্রীর কারা অধিদপ্তর সংশ্লিষ্ট ২৬টি নির্দেশনা/প্রতিশ্রুতি রয়েছে। তন্মধ্যে ১৫টি নির্দেশনা/প্রতিশ্রুতি বাস্তবায়ন করা হয়েছে (বাস্তবায়নের হার ৫৭.৬৯%)। তিনি অবশিষ্ট ১১টি সিদ্ধান্তের বাস্তবায়ন অগ্রগতি নিম্নরূপে উল্লেখ করেন:

| ক্রম | নির্দেশনা | আলোচনা | সিদ্ধান্ত |
|-----------------|--|--|--|
| নির্দেশনা- ১ | কারা অধিদপ্তরের অ্যাঙ্কুলেন্স সংখ্যা বৃদ্ধি করা হবে। (তারিখ: ২০.০১.২০১৯, স্থান-সম্মেলন কক্ষ, স্বরাষ্ট্র মন্ত্রণালয়) | (১) প্রকল্পটির অনুমোদনের জন্য ২৪/৭/২০২৩ তারিখে ভৌত অবকাঠামো বিভাগ, পরিকল্পনা কমিশনে প্রেরণ করা হয়েছে। এ প্রকল্পের আওতায় ৯১টি যানবাহন ক্রয়ের লক্ষ্যে অর্থ বিভাগের পূর্বানুমতি/সুপারিশসহ পত্র প্রেরণের জন্য পরিকল্পনা কমিশন কর্তৃক অনুরোধ জানানো হয়েছে। তৎপ্রেক্ষিতে এ বিভাগ হতে ২৩/১০/২০২৩ তারিখে অর্থ বিভাগে পত্র প্রেরণ করা হয়েছে। | ১) ভৌত অবকাঠামো বিভাগ এবং অর্থ বিভাগের সাথে যোগাযোগ করে প্রকল্পটি অনুমোদনের প্রয়োজনীয় ব্যবস্থা গ্রহণ করতে হবে। বাস্তবায়নে : কারা অনুবিভাগ প্রধান/কারা মহাপরিদর্শক, কারা অধিদপ্তর |

| | | | |
|-----------------|--|---|---|
| নির্দেশনা- ২ | কারা অধিদপ্তরের কর্মকর্তা/কর্মচারীদের দক্ষতা ও কর্মসম্পাদনে সক্ষমতা বৃদ্ধিকল্পে আধুনিক প্রশিক্ষণ একাডেমি নির্মাণ করা হবে। (তারিখ: ২০.০১.২০১৯-স্থান-সম্মেলন কক্ষ, স্বরাষ্ট্র মন্ত্রণালয় | (১) বঙ্গবন্ধু শেখ মুজিব কারা প্রশিক্ষণ একাডেমি, কেরাণীগঞ্জ নির্মাণ প্রকল্পের মাস্টারপ্ল্যান ও ডিপিপি প্রণয়নের জন্য ১৪/৮/২০২৩ তারিখে স্থাপত্য অধিদপ্তর ও গণপূর্ত অধিদপ্তরে পত্র প্রেরণ করা হয়েছে। স্থাপত্য অধিদপ্তরের যাচিত তথ্যাদি (একাডেমিতে কতজন প্রশিক্ষণার্থীকে প্রশিক্ষণ প্রদান করা হবে) ২২/১১/২০২৩ তারিখে কারা অধিদপ্তর হতে স্থাপত্য অধিদপ্তরে প্রেরণ করা হয়েছে। | ১) বঙ্গবন্ধু শেখ মুজিব কারা প্রশিক্ষণ একাডেমি, কেরাণীগঞ্জ নির্মাণ প্রকল্পের ডিপিপি প্রণয়ন কার্যক্রম দ্রুত সম্পন্ন করতে হবে। বাস্তবায়নে : কারা অনুবিভাগ প্রধান/কারা মহাপরিদর্শক, কারা অধিদপ্তর |
| নির্দেশনা- ৩ | কেরাণীগঞ্জে কেন্দ্রীয় কারাগার স্থানান্তরের পর কারাগারের বিদ্যমান জায়গায় শীঘ্রই নতুন কর্মপরিকল্পনা বাস্তবায়ন করতে হবে। বর্তমানে ঢাকা কেন্দ্রীয় কারাগার জুন, ২০১৫ এর মধ্যে কেরাণীগঞ্জে স্থানান্তর এবং ঢাকা কেন্দ্রীয় কারাভ্যন্তরে স্থাপিত বঙ্গবন্ধু ও জাতীয় চার নেতা কারা স্মৃতি জাদুঘর জনগণের জন্য উন্মুক্তকরণ এবং জনসাধারণের জন্য মনোরম পার্ক নির্মাণ এবং কারা কর্মকর্তা/কর্মচারীগণের কল্যাণে বহুতল পার্কিং সিনেপ্লেস, ফুডকোর্ট, সুইমিংপুল, ফিটনেস সেন্টার, কনভেনশন সেন্টার সুবিধাসহ কারাকল্যাণ কেন্দ্র নির্মাণ করতে হবে। (তারিখ-০৭.০৫.২০১৫, স্থান: রমনা, ঢাকা)। | (১) পুরাতন ঢাকা কেন্দ্রীয় কারাগারের ইতিহাস, ঐতিহাসিক ভবন সংরক্ষণ ও পারিপার্শ্বিক উন্নয়ন প্রকল্পের কাঙ্ক্ষিত অগ্রগতি অর্জনের জন্য কার্যক্রম অব্যাহত রয়েছে। জানুয়ারি, ২০২৪ পর্যন্ত প্রকল্পের বাস্তব অগ্রগতি ৩২%। জোন-বি এর চক কমপ্লেক্সের Ground Floor এর ছাদের ঢালাই কাজ সম্পন্ন হয়েছে। কাজের অগ্রগতি ৮৫.৫০% এবং মসজিদের ২য় তলার কাজ ছাদ ঢালাই সম্পন্ন হয়েছে। কাজের অগ্রগতি ৮৪.৫০%। জোন-সি এর ওয়ার্কশপ জোন (সাব জোন-১) এর আরসিসি কলাম এবং শিয়ার ওয়াল এর কাজ শেষ হয়েছে। গাথুনি, ব্লাবকাস্টিং, রিপেয়ারিং ও ফিনিশিংয়ের কাজ চলমান আছে। কাজের অগ্রগতি ৮০%। কারা উদ্যান (সাব জোন-২) এর পদ্ধতিগত খনন ও প্রিকাস্ট পাইল ড্রাইবের কাজ সম্পন্ন হয়েছে। পাইল হেড ব্রেকিংসহ অন্যান্য কাজ চলমান। কাজের অগ্রগতি ৪৫%। কনডেম সেল এবং গ্যালোস (সাব জোন-৩) এর ফিনিশিং'র কাজ চলমান রয়েছে। কাজের অগ্রগতি অগ্রগতি ৮০%। (২) সাব জোন ৪ ও ৫ (জাতির পিতা বঙ্গবন্ধু কারা স্মৃতি জাদুঘর ও জাতীয় চার নেতা স্মৃতি জাদুঘর) এর মাস্টার প্ল্যান মাননীয় প্রধানমন্ত্রীকে ৩০/৮/২০২৩ তারিখে অবগত করা হয়েছে এবং তিনি এতে সানুগ্রহ সম্মতি জ্ঞাপন করেছেন। মাননীয় প্রধানমন্ত্রীর দিকনির্দেশনাসমূহ সংশোধিত আরডিপিপিতে অন্তর্ভুক্ত করা হয়েছে। | ১) পুরাতন ঢাকা কেন্দ্রীয় কারাগারের ইতিহাস, ঐতিহাসিক ভবন সংরক্ষণ ও পারিপার্শ্বিক উন্নয়ন প্রকল্পের বাস্তবায়নে সংশ্লিষ্ট সকলকে আরো আন্তরিকতার সাথে কাজ করতে হবে। বাস্তবায়নে : কারা অনুবিভাগ প্রধান/কারা মহাপরিদর্শক, কারা অধিদপ্তর ২) পুরাতন ঢাকা কেন্দ্রীয় কারাগারের ইতিহাস, ঐতিহাসিক ভবন সংরক্ষণ ও পারিপার্শ্বিক উন্নয়ন প্রকল্পের মাল্টিপারপাস কমপ্লেক্সের নকশার ভেটিং পরবর্তী কার্যক্রম দ্রুত সম্পন্ন করতে হবে। বাস্তবায়নে : কারা অনুবিভাগ প্রধান/কারা মহাপরিদর্শক, কারা অধিদপ্তর |


| | | | |
|-------------------|---|--|--|
| প্রতিশ্রুতি- ১ | সার্বিক ব্যবস্থাপনা উন্নয়নের লক্ষ্যে কারাগারের কর্মকর্তার সংখ্যা বৃদ্ধি করতে হবে। (তারিখ-১০.০৪.২০১৬; স্থান: কেরাণীগঞ্জ, ঢাকা) | (১) জনপ্রশাসন মন্ত্রণালয় হতে কারা অধিদপ্তরের জন্য বিদ্যমান পদের অতিরিক্ত ৬১৬৪টি পদ সৃজনের সম্মতি প্রদান করা হয়েছে। সুরক্ষা সেবা বিভাগ হতে উক্ত পদসমূহ সৃজনে সম্মতি প্রদানের জন্য ৪/১২/২০২৩ তারিখে অর্থ বিভাগে পত্র প্রেরণ করা হয়েছে। গত ২৮/১২/২০২৩ তারিখে অর্থ বিভাগে একটি আন্তঃমন্ত্রণালয় সভা অনুষ্ঠিত হয়েছে। সভার সিদ্ধান্ত অনুযায়ী যাচিত তথ্যাদি কারা অধিদপ্তর হতে ২৪/০১/২০২৪ তারিখে এ বিভাগে প্রেরণ করা হয়েছে। | ১) অর্থ বিভাগের সাথে যোগাযোগ অব্যাহত রেখে প্রস্তাবিত জনবলের পদ সৃজন এবং যানবাহন ও অফিস সরঞ্জামাদি টিওএন্ডইভুভুক্তকরণের কার্যক্রম দ্রুত সম্পন্ন করতে হবে। বাস্তবায়নে : কারা অনুবিভাগ প্রধান/কারা মহাপরিদর্শক, কারা অধিদপ্তর |
| প্রতিশ্রুতি- ২ | কেরাণীগঞ্জে কারা কর্মকর্তা-কর্মচারী ও সর্বসাধারণের জন্য ২০০-২৫০ শয্যার হাসপাতাল স্থাপন করতে হবে। (তারিখ-১০.০৪.২০১৬ স্থান: কেরাণীগঞ্জ, ঢাকা) | (১) প্রকল্পের মাস্টারপ্ল্যান ও ডিপিপি প্রণয়নের জন্য ০২/০৮/২০২৩ তারিখে স্থাপত্য অধিদপ্তর ও গণপূর্ত অধিদপ্তরে পত্র প্রেরণ করা হয়েছে। | ১) ২০০-২৫০ শয্যার কেন্দ্রীয় কারা হাসপাতাল নির্মাণের লক্ষ্যে দ্রুত ডিপিপি প্রণয়নের নিমিত্ত স্থাপত্য অধিদপ্তর ও গণপূর্ত অধিদপ্তরের সাথে যোগাযোগ অব্যাহত রাখতে হবে। বাস্তবায়নে : কারা অনুবিভাগ প্রধান/কারা মহাপরিদর্শক, কারা অধিদপ্তর |
| প্রতিশ্রুতি- ৩ | কারাগারে নিরাপত্তামূলক ব্যবস্থা অত্যাধুনিকীকরণ করা হবে। (তারিখ-১০.০৪.২০১৬; স্থান : কেরাণীগঞ্জ, ঢাকা) | (১) একই ধরনের ২টি ভিন্ন প্রকল্প (রাজশাহী ও রংপুর বিভাগের জন্য ১টি এবং খুলনা, বরিশাল ও সিলেট বিভাগের জন্য ১টি) গ্রহণের নিমিত্ত দুইটি পৃথক ডিপিপি প্রণয়নের জন্য ২০/১২/২০২২ তারিখ গণপূর্ত অধিদপ্তরে পত্র প্রেরণ করা হয়েছে এবং এ বিষয়ে ১৭/৮/২০২৩ তারিখে গণপূর্ত অধিদপ্তরে একটি তাগিদপত্র প্রেরণ করা হয়েছে। এছাড়া, প্রকল্পের আওতায় সিসিটিভি মনিটরিং কক্ষ নির্মাণের জন্য প্রাথমিক স্থাপত্য নকশা অনুমোদন করে ০১/১১/২০২৩ তারিখে স্থাপত্য অধিদপ্তরে পত্র প্রেরণ করা হয়েছে। | ১) গণপূর্ত ও স্থাপত্য অধিদপ্তরের সাথে সাথে যোগাযোগের মাধ্যমে ডিপিপি প্রণয়নের কাজ দ্রুত সম্পন্ন করতে হবে। বাস্তবায়নে : কারা অনুবিভাগ প্রধান/কারা মহাপরিদর্শক, কারা অধিদপ্তর |
| প্রতিশ্রুতি- ৪ | কারা কর্মকর্তা/ কর্মচারীদের বিভিন্ন ধরনের সমস্যা দূরীকরণে মর্যাদার সামঞ্জস্য খতিয়ে দেখে ব্যবস্থা গ্রহণ করা হবে। | (১) ইউনিফর্মড ১০ স্তরের ১৬ ক্যাটাগরি পদ এবং নন-ইউনিফর্মড ৭ স্তরের ১২ ক্যাটাগরি পদের বেতন গ্রেড উন্নীত করার সংশোধিত প্রস্তাবনা ০৩/০১/২০২৪ তারিখে জনপ্রশাসন মন্ত্রণালয়ে প্রেরণ করা হয়েছে। ২) কারা মহাপরিদর্শক পদের পদমর্যাদা ও বেতন গ্রেড-২ থেকে গ্রেড-১ এ উন্নীতকরণের যথাযথ ব্যবস্থা গ্রহণের জন্য কারা অধিদপ্তর হতে ১৮/১/২০২৩ তারিখ প্রস্তাব এ বিভাগে প্রেরণ করা হয়েছে। | ১) কারা কর্মকর্তা-কর্মচারীদের বেতনগ্রেড ও পদমর্যাদা উন্নীতকরণের বিষয়ে জনপ্রশাসন মন্ত্রণালয়ের সাথে যোগাযোগ অব্যাহত রাখতে হবে। বাস্তবায়নে : কারা অনুবিভাগ প্রধান/কারা মহাপরিদর্শক, কারা অধিদপ্তর। |

৫। বহিরাগমন ও পাসপোর্ট অধিদপ্তর : বহিরাগমন ও পাসপোর্ট অধিদপ্তরের মহাপরিচালক সভাকে জানান, বহিরাগমন ও পাসপোর্ট অধিদপ্তর সংশ্লিষ্ট মাননীয় প্রধানমন্ত্রীর ৭টি নির্দেশনা আছে। তন্মধ্যে ৫টি বাস্তবায়িত (বাস্তবায়নের হার ৭১.৪৩%)। অবশিষ্ট ২টি সিদ্ধান্তের বাস্তবায়ন অগ্রগতি নিম্নরূপে উল্লেখ করেন:

| ক্রম | নির্দেশনা | আলোচনা | সিদ্ধান্ত |
|-----------------|---|---|---|
| নির্দেশনা- ১ | <p>(ক) বহিরাগমন ও পাসপোর্ট অধিদপ্তরের প্রধান কার্যালয় নির্মাণ করা হবে।</p> <p>(খ) ই-পাসপোর্ট ও ই-গেইট কার্যক্রম দ্রুত বাস্তবায়ন করতে হবে।</p> <p>(গ) ই-ভিসা এবং ই-ট্রাভেল পারমিট (ই-টিপি) চালু করা হবে।</p> <p>(তারিখ: ২০.০১.২০১৯-স্থান : সম্মেলন কক্ষ, স্বরাষ্ট্র মন্ত্রণালয়)</p> | <p>(১) ইমিশ্রেশন ও পাসপোর্ট অধিদপ্তরের প্রধান কার্যালয় নির্মাণের জন্য শেরে বাংলা নগরস্থ প্রশাসনিক এলাকার প্লট নম্বর এফ-১৪/বি এর ০.১৬৫ একর জমি বরাদ্দ প্রদান করে এবং ১১/১০/২০২১ তারিখে অধিদপ্তরের নিকট হস্তান্তর করা হয়। প্রধান কার্যালয় নির্মাণের জন্য জায়গাটি অপ্রতুল হওয়ায় পার্শ্ববর্তী প্লট নং এফ-১৪/বি এর পার্শ্ববর্তী এফ ১৪/এ/১ নম্বর প্লটের ১০ কাঠা জমি বরাদ্দের জন্য আবেদনের প্রেক্ষিতে ১৯/১১/২০২৩ তারিখে গৃহায়ন ও গণপূর্ত মন্ত্রণালয়ের সচিব মহোদয়ের সভাপতিত্বে অনুষ্ঠিত সভায় বহিরাগমন ও পাসপোর্ট অধিদপ্তরের অনুকূলে বরাদ্দ পাওয়ার বিষয়ে নিশ্চয়তা পাওয়া গিয়েছে। তবে আনুষ্ঠানিক পত্র এখনও পাওয়া যায়নি। তাছাড়া বিভাগীয় অফিস আগারগাঁও, ঢাকা এবং প্রধান কার্যালয়ের মধ্যবর্তী স্থানে খালি জায়গায় দ্বি-তল স্টিল স্ট্রাকচার নির্মাণকাজ চলমান আছে।</p> | <p>(১) বহিরাগমন ও পাসপোর্ট অধিদপ্তরের প্রধান কার্যালয়ের ভবন নির্মাণের জন্য গৃহায়ন ও গণপূর্ত মন্ত্রণালয়ের সাথে দাপ্তরিক ও ব্যক্তিগত যোগাযোগ অব্যাহত রাখতে হবে।</p> <p>বাস্তবায়নে : মহাপরিচালক, বহিরাগমন ও পাসপোর্ট অধিদপ্তর/ সংশ্লিষ্ট অনুবিভাগ প্রধান</p> |
| | | <p>(২) বিদেশস্থ ৮০টি বাংলাদেশ মিশনের মধ্যে ৪৩টি বাংলাদেশ মিশনে ই-পাসপোর্ট কার্যক্রম চালু করা হয়েছে।</p> | <p>(২) বিদেশে অবস্থানরত প্রবাসীদের জন্য ই-পাসপোর্ট চালুর বিষয়ে প্রয়োজনীয় কার্যক্রম নির্ধারিত সময়ে সম্পন্ন করতে হবে।</p> <p>বাস্তবায়নে : মহাপরিচালক, বহিরাগমন ও পাসপোর্ট অধিদপ্তর/ সংশ্লিষ্ট অনুবিভাগ প্রধান।</p> |
| | | <p>(৩) ই-টিপি বাস্তবায়নের জন্য ইতোমধ্যে DG Infotech Ltd চূড়ান্ত নমুনা কপি দাখিল করেছে যা যথাযথ হয়নি। এ বিষয়ে DG Infotech Ltd কে পত্র দেওয়া হয়েছে।</p> <p>জিটুজি পদ্ধতিতে সংযুক্ত আরব আমিরাতে ফুজায়রাহ সরকারের প্রতিষ্ঠান Emirates Technology Solutions LCC (ETEK) এবং এর কারিগরি সহযোগী প্রতিষ্ঠান Societe Internationale de Telecommunication Aeronautiques (SITA) নিকট হতে রাজস্বখাতে সরাসরি ক্রয় প্রক্রিয়ায় বাংলাদেশে ই-ভিসা প্রবর্তনের কার্যক্রম বাস্তবায়নে নীতিগত অনুমোদন গ্রহণের নিমিত্ত মন্ত্রিপরিষদ বিভাগের অর্থনৈতিক বিষয় সম্পর্কিত মন্ত্রিসভা কমিটির নিকট ১০/০১/ ২০২৪ তারিখে প্রেরণ করা হয়েছে।</p> | <p>(৩) ই-টিপি সংক্রান্ত কার্যক্রম ৩১ মে ২০২৪ এর মধ্যে শেষ করতে হবে এবং ই-ভিসা সংক্রান্ত সকল কার্যক্রম দ্রুততম সময়ের মধ্যে বাস্তবায়ন করতে হবে।</p> <p>বাস্তবায়নে : মহাপরিচালক, বহিরাগমন ও পাসপোর্ট অধিদপ্তর/ সংশ্লিষ্ট অনুবিভাগ প্রধান</p> |

| | | | |
|-----------------|---|--|--|
| নির্দেশনা- ২ | বহিরাগমন ও পাসপোর্ট অধিদপ্তরের কর্মকর্তা/কর্মচারীদের দক্ষতা ও কর্মসম্পাদনে সক্ষমতা বৃদ্ধিকল্পে আধুনিক প্রশিক্ষণ একাডেমি নির্মাণ করা হবে। (তারিখ-২০.০১.২০১৯; স্থান-সম্মেলন কক্ষ, স্বরাষ্ট্র মন্ত্রণালয়) | (১) অর্থ বিভাগ হতে ২০২৩-২০২৪ অর্থবছরে ভূমি অধিগ্রহণে অর্থ ব্যয়ে নিষেধাজ্ঞা থাকায় ট্রেনিং ইনস্টিটিউটের জন্য অধিগ্রহণকৃত জমির প্রাক্কলিত মূল্য পরিশোধ করা সম্ভব হয়নি। পরবর্তীতে ভূমি অধিগ্রহণ ডিপিপিতে অন্তর্ভুক্ত করে প্রকল্প হিসেবে ডিপিপি প্রণয়নের নিমিত্ত প্রশাসনিক অনুমোদনের জন্য ২৮/০১/২০২৪ তারিখে এ বিভাগে প্রেরণ করা হয়েছে। | ১) প্রশিক্ষণ একাডেমি নির্মাণের জন্য প্রয়োজনীয় পদক্ষেপ গ্রহণ করতে হবে। বাস্তবায়নে : মহাপরিচালক, বহিরাগমন ও পাসপোর্ট অধিদপ্তর/ সংশ্লিষ্ট অনুবিভাগ প্রধান |
|-----------------|---|--|--|

সভাপতি বলেন, মাননীয় প্রধানমন্ত্রীর দিক-নির্দেশনাসমূহ যথাযময়ে সুচারূপে বাস্তবায়নে সকলকে আরও আন্তরিকতা, দক্ষতা ও নিষ্ঠার সাথে কাজ করতে হবে। পরিশেষে সভায় উপস্থিত সকলকে ধন্যবাদ জানিয়ে সভার সমাপ্তি ঘোষণা করা হয়।



মোঃ আবদুল্লাহ আল মাসুদ চৌধুরী
সচিব, সুরক্ষা সেবা বিভাগ, স্বরাষ্ট্র মন্ত্রণালয়

স্মারক নম্বর: ৫৮.০০.০০০০.০১৪.৩৪.০০২.২২.১৯৭

তারিখ: ১৪ ফাল্গুন ১৪৩০

২৭ ফেব্রুয়ারি ২০২৪

বিতরণ (জ্যেষ্ঠতার ক্রমানুসারে নয়) :

- ১) সকল কর্মকর্তা, সুরক্ষা সেবা বিভাগ
- ২) অধিদপ্তর প্রধান (সকল), সুরক্ষা সেবা বিভাগ



মুহাম্মদ শহিদ উল্লাহ
উপসচিব